

離峰老人集卷下

瑟八

七言絕句

偶得

寂寥雲水幾星霜收得神仙不死方二物都  
來十六兩跨將赤鳳入仙鄉

鍊心

道人方寸已寒灰無限塵紛境自迴總把乾  
坤為妙用此身到處即蓬萊

贈移刺大師

壺中仙境本非常萬象森羅自發光清靜鍊  
成無漏體沖和養就法中王

談人說我何時盡競利貪名有底愁若悟此  
身還有限蠅頭蝸角一時休

王道人告

口訣叮嚀舉似賢飢時喫飯倦時眠靈臺瑩  
靜塵難染寶鑑無痕性自圓

寄德順州移刺答節副

功名未了心先了塵俗俱忘性不忘更著慧  
風吹萬籟真空獨現一輪光

贈門使

烟霞堆裏有知音名利場中少用心但得一  
枝棲宿處何勞苦苦覓深林

贈太一宮姜大師

靈杖剔開名利鎖慧刀割斷是非纏天然世  
外騎鯨客自是神遊不夜鄉

寄郎大師

雲溪高枕卧烟霞裁接長生不謝花可與群  
仙為領袖已調和氣徧天涯

又

山南瑞氣騰騰長水比金花蕊蕊開時有靈  
音傳好信玉虛殿上選仙材

又

淡淡烟霞淺淺山此身長在翠微間白雲空  
谷無人到贏得身心竟日閒

睢州吳道人請住庵

隱跡雲溪數載間隨風偶爾到人間黃塵著  
脚非吾事却領白雲歸故山

示鄆陵縣劉會首

看錢虜與抱官囚擾擾塵中甚日休有數光  
陰銷易盡無涯歲月去難留

洛州寨尼院主告頌

頭頭盡是西來意物物全明祖佛心心意兩  
忘成妙用不須淨裏苦沈吟

合流鎮木夾錄判索

一衣一食莫剛求但得隨緣過便休贏得省  
心兼省力更無閑事上眉頭

示西華縣李庵主

山頭滾滾湧靈泉海底炎炎結瑞蓮既濟陰  
陽丹自結水晶宮裏會諸仙

西華縣胡會首告

若悟輪迴早早迴金蓮休向火中栽縱然栽  
得根苗活到底全無一朶開

西華縣張庵主告

不戀空華與世華道人活計淡生涯興來兩  
卷闌文字困卧松軒看晚霞

西華縣賈道人告

斷鶴續龜忘分與夷山盈壑味生緣一瓢自  
足幽人樂寸地常虛大覺仙

示陳州呂姑

道人心地冷如水不假營求道自生萬籟無

聲心奉定一輪秋月皎然明

陳州完顏舍人告

抽添間隔炎火既濟陰陽旋燒鍊就純陽神自出無生路上恣逍遙

陳州完顏姑姑告

盡日窮年無處尋得來元不費光陰靈明一點真消息為佛為仙是此心

陳州孫姑告

掃蕩群情事事無莫教塵土翳水壺月中一物神光現萬道紅霞罩寶珠

贈息州滿家從宜相公

功成名遂早歸山策杖逍遙到處闌月光中融妙用白雲深處鍊神丹

陳州完顏大哥告

剪除荆棘開心地掃蕩荒蕪種瑞蓮颯颯清

風生玉葉輝輝新月照壺天

贈陳州坐園張道人

六慾遣回身自在一塵不染性週通栽成火裏無根樹放出靈葩永不凋

徐姑告

功名恰似石中火富貴渾如水上漚撒手便登雲外路是非人我一時休

寄劉三仙

睚陽相別久徘徊望斷春雲不到來惜取龍泉無價劍寶光休使染塵埃

贈湖頭宋庵主

此身天地一孤蓬信意蹉跎西復東不及草庵閑打坐歸來高卧養吾慵

長平郭官人告

火風地水沒來由聚則成形散即休半紙功名虛費力百年撈攪水中漚

合流鎮王妙堅告

一片關心志莫移疑團打破證無為胸中記取全真性亘古常存幾箇知

臨潁縣王會首告

老却春光人倦遊花殘蝴蝶更添愁不知桂影無凋謝香滿人間甚日休

臨潁縣邵會首告

不會擒猿鎖馬顛飢來喫飯倦時眠冥然一枕華胥夢始覺壺中別有天

寄和典史

幾載持竿釣巨鰲鯨鯢白眼戲波濤絲綸收拾西歸去空渡滄溟又一遭

贈舞陽縣烏古論縣丞

神仙活計苦無多滌慮忘情氣自和欣則攜筇尋野徑困來高枕卧烟蘿

示完顏姑姑

松窓石枕惟便睡竹徑人來尚未知驚覺披衣時欵坐形如槁木眼如眉

孟寨張會首告

頓拋世網復全真洗滌靈宮養谷神常要清虛無箇事桂花開徹月邊新

贈禹知觀

隱隱遙山鎖翠烟亭亭碧嶂近林泉鑿開混沌些兒景偷得壺中一點天

南陽縣祖道人告

三界有牆猶恨窄四維無處不為圍黃華翠竹皆吾事雲即雲兮山即山

贈程庵主

手執絲綸四十秋但逢波浪便拋鉤鯨鯢不

肯吞香餌空駕虛舟獨自遊

贈木虎夫人

人生只解念彌陀自己彌陀會得麼認得本來無相祖不須身外苦奔波

贈元官人

莫比山高與海深學人空費遠搜尋目前自有長生道凡聖皆由一寸心

贈洛陽薛會首

近水臨山鎖翠微利名著脚却忘歸此身不屬紅塵客卧看白雲天外飛

移刺答道人告

道人行止莫蹉跎心鏡須憑一志磨痕垢盡時光自現不離方寸見彌陀

貴姑告

踏遍天涯覓也無得來元不用功夫百年拋却紅塵事有箇真人駕得車

姬磨焚會首告

有相緣中無礙身古今誰解識疎親百年拋下孃生袋一箇真人駕日輪

陳州唐括提控告

世網掣開身自在凡籠跳出性尤閑携筇直入烟霞路驚起白雲滿故山

馬會首告

既為學道好參同秘訣傳來便有一點靈明清似水鍊成丹藥鼎中紅

陳會首告

身居苦海休言道頭戴思山莫論禪若是兩家俱放下不須掘地去尋天

史都監告

郭外之田數畝園絲麻饘粥保殘年不圖跨鶴乘雲去且向人間應幻緣

曹會首告

大道無言在寸心不須千里遠追尋骨中自有圓明鏡莫使塵埃昧得深

寄馬文卿

悟來休得廢光陰一寸光陰一寸金愛海波中留不住亂雲深處覓知音

宿州統石烈問前程

于氏高門元有漸燕山丹桂豈無因不須若問前程事真正無私是吉人

贈蕭縣宋大師

先生策杖便從容把握靈珠在掌中好向雲山栖隱去閑窓高卧飲松風

懶窩自詠

懶漢今來住懶窩禁持意馬已蹉跎飯餘只解堆灰坐更有慵人似我麼

贈高姑

誰識當場傀儡身一重皮肉一堆塵百年線斷無消息去了當場把戲人

示獨吉監丞夫人

四象合成癡肉塊五行結就臭骷髏狀同傀儡親曾看箇箇能言解點頭

贈劉姑

水晶宮裏結紅蓮證果無為大覺仙舟舟便登雲外路騰騰飛入紫微天

贈與屯經歷夫人

七十光陰已半過勸人進道莫蹉跎無常一旦臨頭逼兒女雖親替得麼

樂道人告

若論修行萬事休骨中不挂一絲頭寂然萬

籟無聲跡有箇靈童駕火牛

小揚姑告

道人無礙鐵心腸躍出三山混渺茫遙指白雲深處去蓬萊元是舊家鄉

贈大揚姑

五行結就英皮囊一顆神珠裏面藏靜即心花通體靈動時無處不輝光

徐道沖告

道人真實最相宜食飽無餘步翠微困即和衣溪上卧覺來收拾亂雲歸

全姑告

人能清靜絕熬煎恬淡虛無養浩然腦後剔剔三昧眼中明徹自家天

門人問如何是了達

你來問我求了了世事紛紛都盡勸一輪明月正當天萬里無雲光皎皎

示高仙

從來劣性要提防舉動靈苗已損傷且把芒繩牢繫守待他心境兩俱忘

劉姑告

長生路上逍遙客不夜鄉中自在仙逗引靈童歸紫府調和玉女種金蓮

贈孫天和

慧刀割斷利名纏物外逍遙萬慮忘撒手便登三島路程都是白雲鄉

又

無名窟裏毒蛇藏舉起頭來物便傷寄語行人須著意往來常切要提防

贈尚道人

半紙虛名空似響百年短景疾如梭鬢邊白髮新添甚臉上紅顏暗換多

贈高都監

清風古道少人行濁水淤泥抵死爭可笑一般愚蠢物枕糟藉麪過平生

徐道沖問道

你有具師更問誰同茶同飯幾曾離我今指破知端的舉念生心總是伊

贈小張仙

從來伎倆都除盡亘古靈明倒過來拾得這般真受用世間無處不蓬萊

展姑告

了得真源萬事無塵緣不許汚靈珠水源澄淨全身現雲散寥天月自孤

博志堅告

修行非易亦非難下手先除人我山鍛鍊真空同一體自然心似白雲閑

李姑告

漠漠春烟日漸長江梅猶帶返魂香洞天先得真消息催逼東君造化忙

初春

臘盡春回白晝長洞天先得好風光東皇來約群仙會歸去碧雲衣袂香

臨穎李縣尉告

風裏微聞松桂香山堂明月冷輝光道人夜靜儵然坐萬籟無聲一味涼

李姑問行程

渺邈蓬壺咫尺間行人迷隔萬重關牧童不指襄城路黃帝猶尋大塊山

贈周姑

勢利看來冷似冰道人於世已忘情昨宵一

枕遊仙夢穩駕金鸞朝玉京

贈移刺答院

心灰冷落無烟火枯木形骸不放芽直待三陽真火降堂前鐵樹也開花

尼長老問修行

你來問我修行訣我今與你叮嚀說掃盡群陰現本真青霄挂起一輪月

又

去住逍遙信自然龜長蛇短祖師禪山頭一片清涼境始見壺中別有天

董志源告

慧刀舉處散群迷迸出銀霞萬道飛滅却陰尸多目鬼蓮花帳裏露希夷

贈會首薛六郎

先天靈物有無中動即隨機靜即空萬物之中常作主千般運用應無窮

春遊

年老心嫌衣帶長強攜筇杖看春光滿園桃李皆相羨都道肌膚似沈郎

廚張問生死事

昔時死者何曾死今日生來有甚生生死到頭元有甚安時處順要分明

遊雲溪

衆仙邀我探春來縷縷春紅相間開悞入桃源即非夢人間何處覓蓬萊

張悟真告

壺中一粒紫金砂鍊就先生萬道霞服了不知浮世隘頃然身在大方家

周姑告

般般識破都為夢事事諳來總是空悟得不容空安分過從他鳥兔走西東

張懷遠告

物物般般總不迷迴頭參破老禪機莫教流落人間世無相天真要執持

劉令史告

真清真靜逍遙客無執無持自在仙策杖便歸雲外去草鞋踏破洞中天

贈孫大師

惜神養氣固靈田境靜心閑道自然赫赫光中生瑞草炎火內結紅蓮

石碣玉溪庵閑遊

道人策杖看西山似白雲到處閑一枕因來仙闕夢豈知身在翠微間

忽憶逍遙物外遊便攜藜杖步林丘騰身直上三峰頂虛徹靈源萬慮休

昨憶仙遊到此山箇中景物共閑閑白雲出岫亦無意幽鳥與人皆偶還

辛先生告

道人心定寂寥居皎潔圓明似玉壺雲去雲來俱不礙無生無滅證無餘

劉先生告

大道虛無本自然不勞苦苦用多言但教心上無塵垢一點靈明光自圓

亳州太清宮陞堂

我是雲溪懶丈夫祖庭羽客強相扶無疆聖壽祝延外看有金鱗上釣無

太清宮樓真庵述懷

清風招我到樓真境界然斷世塵猶有歲寒君子竹窻間橫影弄精神

竹裏啾啾百鳥喧竹齋呼起日高眠將迎不

斷人如織我自宵中獨悄然  
踈懶從來百不拘披襟閑看老莊書忽然請  
到忘言處枯木形骸等太虛

西郊火老暫開顏頰覺幽庭枕筆寒萬里碧  
天清似水那堪梳月半街山

讀忘意論

檢徧南華竟也無得來元不費功夫須知自  
有天真在一點靈明常湛如

記夢

夢中親觀聖賢來白鶴青鸞下玉臺一簣大  
還功未就瑞雲繚繞復重迴

又

寒窓寂寂枕書眠覺後檠燈尚儼然簷外月  
華明似畫風停烟靜太平年

示時官

一行作吏莫傷民百計施恩與日新入則敬  
親出則悌外全仁義內全真

張姑告

世務多般不可窮人間事事轉頭空迴頭記  
取先天物劫壞長存無始終

世上功名不可求人間富貴轉頭休爭如早  
作歸山計一片白雲天外遊

勒姑告

水南水北路交相人去人來有底忙爭似一  
庵閑打坐寸心無事自清涼

霍道人告

假軀六十過半百蒼顏已老髯鬚白擾擾紅  
塵已倦遊雲山且作烟霞客

康國寶殿試至

迢迢溪上水雲平岌岌山間道路生但得秋  
風片帆至扣門一見眼增明

石碣贈石道人

欲求固象得玄珠既得玄珠事事無切莫法  
中尋有相須知無上證如如

杜鵑

青山靄靄亂雲低切切幽禽晝夜啼啼得血  
流誰解意聲聲猶道不如歸

示杜道人

綠葉陰陰障夕陽白雲片片渡秋塘道人  
不識紅塵事隱跡林泉寵辱忘

贈曹道人

我愛林泉景最幽白雲深處水東流道人  
不與興亡事一片身心得自由

懷州高姑告

道人活計不憂貧冷淡家風不染塵雲散月  
華明似晝迴光得見箇中人

石碣董七郎告

古道家風不可求翻騰故紙幾時休爭如撇  
下歸家去月白青霄水自流

寄田戶店曹孔月其人以水牛自稱

寄語曹家老水牛芒繩穿鼻拽迴頭時時更  
與加鞭箠白到全身得自由

全道人告

人間莫得辯癡愚辯得愚癡却是迷要識清  
虛端的理白雲深處悟希夷

高州李姑告

萬路千差獨往迴靈山採得寶珠來春風莫  
露閑消息箇裏雲霓尚未開

萬水千山路不差蟾宮先得桂枝花殷勤為  
獻丹陽父許占蓬萊第一家

嵩州張姑告

悟取無言理最深不須遠走訪知音忽然放下頭頭是一片清虛冷淡心

贈嵩州獨吉太守

碧山深處白雲閑却憶雲閑偶到山鳥道暗

通烟樹外木人還過翠微間

王道人告

勤磨慧劍斷愚癡吐出靈光泯見知從此身心無罣礙元君到處自相隨

郎十二先生告

萬水千山路不差山迴路轉景尤嘉故人相見無他語坐對羣峰看彩霞

贈石碣馬道人

山村寂寂近林泉春盡無人柳帶烟別後欲知何處去蓬萊閑看玉壺天

贈張仙

道人著力向前修海角天涯作畫頭踏破鐵鞋方省悟千山萬水一齊休

郟城縣賀先生告

道人真實是功夫不用丹經與子書悟得一

言行不盡端然靜坐腎虛都

為唐庵主姑姑壽

劫外靈芝不假春壺中境界更無塵天邊襟襟榆長白月裏團圓桂自新

王道人告

跳出紅塵身自在箇中生死轉分明縱橫無礙逍遙性何必飛騰十萬程

小李姑告

洗滌塵情事事無靈臺築微似冰壺不須更問祖師意拍塞虛空一顆珠

示邊大郎

七十年來老滑頭談禪論道幾時休直饒萬法俱明微不到灰心冷似秋

常姑告

尋師訪道苦參求籠絡身心不自由無限玄談都拂却一輪明月出山頭

贈韓會首

躍出紅塵萬事休已將身世付虛舟碧波深處拋香餌未信金鰲不上鈎

贈木虎都統

策杖飄蓬恣意閑雲朋來謁水雲間相逢一席無生話不覺紅輪西下山

趙道人告

一夕秋風萬葉凋道人活計轉家煩襟洗盡塵勞事咫尺蓬壺路不遙

示許姑

修仙先要除人我學道須防較是非七寶山頭烟火滅五明宮裏證牟尼

贈張副使

身是飄飄一葉舟不辭風浪故來遊烟波深處拋香餌不得神鰲不肯休

又

布袍策杖飄飄去一片孤雲天地間到處不能為雨露却歸林下伴青山

贈張小一郎

秋風掃蕩乾坤靜萬里無雲點太清唯有一輪無相月先天地轉分明

示瀋陽馬姑

東西行脚天涯客南北求玄自在仙參得祖師劫外眼歸來却見自家天

示王姑

十載諸方負杖藜豈知行住自相隨却於販骨聰明鬼喚起先天地師

示周道人

磊磊男兒七尺軀刀頭紙蜜卒非夫須知自

有天然寶柱向驪籠覓領珠

寄汚池納蘭縣令

為官公正勝為道此語宜書仕子紳莫謁麻衣方外客且將良藥濟殘民

贈宋大師

不看丹經與子書快來心上一塵無此身便約雲為友去住與之同卷舒

元道人告

大道虛无本自然從渠委曲且隨緣窮通貴賤俱由命巧拙賢愚只在天

贈中京張孔目

久戀紅塵來往頻林泉豈識有高人貪看日上花梢露失了壺中不夜春

王會首告

鑿開混沌見天真跳出紅塵自在人聊向鏡

中觀物化莫教化却自家身

贈張副使

我本持竿釣巨鰲從渠風惡起波濤但教神物吞香餌萬里扶搖不憚勞

贈司天臺判

高人策杖扣荆扉來訪算瓢一布衣目擊道存忘意論虛心而往實而歸

柴姑告

身中寂寂閑機少境上融融和氣多兩袖清風常左右一條紅練出烟蘿

寄張道人

已向絲綸脫此身百端香餌不相親長江好在無邊浪莫使風塵到錦鱗

贈趙會首

春光屈指又經秋販骨何時是盡頭恩愛結成他活計此身作下馬和牛

贈偃師縣趙散人

悟時咫尺是蓬萊迷後重重不盡埃一點孤燈纔剔正莫教油盡暗還來

贈老史道人

壺中金碧好樓臺月裏瓊花爛熳開鶴吸青

霄丹鳳舞彩雲深處有蓬萊

贈趙道人

靈臺一點本無塵幻出空身即法身道在性中休別覓隨機應物即天真

示龍窩張會首

吾家門戶幾人知知者須明造化機清靜之中含妙用無為之內隱玄微

仝姑告

割烹誰忍能鳴及斤斧終難擁腫施才與不才俱是用此生木馬復何為

田道人告

學道先須達自然自然然後得真仙濃粧淡抹空顛倒想爾鑽冰不得燃

示南京三相公廟冠姑

真清真靜永綿綿鍊氣先須識自然一粒丹砂功九轉瑞霞萬道單金山

示元仙

初心入道戒蹉跎正好叢林細琢磨莫遣新塵侵寶鑑更防舊境損天和



示梁道人

皎潔玄珠映太陽水晶宮裏發輝光身中有  
此無窮寶却為浮生抵事忙

過孟津

滔滔烟浪向東流落日浮雲是幾秋若得靈

槎遊大海扶桑國裏看瀛洲

示木匠揚仙

走徧千山與萬山此身猶似白雲閑歸來卧  
看青霄月聒耳松風徹骨寒

董知觀告

大悟纔知無做作玄言秘語齊拂却撒手東  
西信自然策杖逍遙遊廣漠

贈嵩山田道人

得到逍遙謁故人依然雲隱養天真西風吹  
落松梢月坐待扶桑觀日輪

告縣楚會首

全真門裏選仙材踏破雲山特地來吾道易  
行不虛語世緣倒過即蓬萊

詠雪

朔風凜冽亦雄哉吹落天花徧地開桃李未

知天意動臘梅先覺化工來

偃師縣稅務李都監告

解出無涯欲浪來聰明端勝選仙材先天靈  
寶人難覓寄向南宮無影臺

示史道人

衆妙之門日日新家風冷淡絕纖塵閑招雲  
外長生客同賞壺中不謝春

自樂

風過庭松喚午眠覺來石鼎尚沈烟不求羽  
化乘雲鶴且作人間陸地仙

辭太清宮

去去西風吹道衣祖庭未得遂真依他山猿  
鶴閑緣了管領白雲客拜歸

寄尚仙

冥中鬼趣時時遣物外玄門日日開墨子悲

絲元自染揚朱泣路未歸來

李官人告

萬里烟波一葉舟輕帆短棹泛中流蟾光影  
裏閑垂釣那計鯨魚不上鉤

寄陳州道友

功成名遂好抽身作箇林泉自在人採得日

寬為大藥鍊成月兔現陽神

寄費莊李官人

學仙未到棄塵緣海嶽銷埃積漸然更向玄  
門輕進步蓬萊別有洞中天

寄白沙道友

猿馬輕狂牢鎖閉休貪世樂心如醉悟來跳  
出死生關一靈真性無凝滯

贈李道友

仙人五畝小蓬瀛四面秋波分外清視聽不  
須關耳目希夷路上坦如平

示吳善友

人人只解念彌陀自已彌陀會得麼記取本  
來無相祖不干般若與波羅

李會首告

衆妙之門日日開家風峻古絕纖埃雖然淡  
薄無餘事不許等閑人入來

示任姑

打破疑團笑一場不須來徧諸方胃中有  
物明如月却覓他人夜燭光

示史道人

物外玄微世上名一邊敗後一邊成從來蓬島洲中客不在邯鄲路上行

示陳會首

一灣流水遶雲溪晝夜冷冷說道機多少往來名利客貪觀風浪隔玄微

示王道人

示王道人

直鈎不鈎波中月數畧難撈水底雲用盡身心離道遠諸緣放下許傳君

寄隴西老人

遙望東南水葉飛滿空秋氣逼人衣仙翁已達丹霄景閑對青松吸翠微

小李姑告

出家須是學神仙好與長生作善緣但肯此中留一念瑤池會裏結金蓮

示劉令史

紛華塵外三山客苦海波中一葉舟試擲絲綸深浪裏游魚若箇肯吞鈎

示姬磨李道人

息慮忘機任自然不須訪道與參禪因循一

片開雲起礙却壺中不夜天

示峽石縣莫會首

夢中又說夢中事覺後纔知夢已休拂石南溪觀物化滔滔依舊水東流

寄陝州會首

神丹常在掌中握玄鑑只宜心上安照破世間虛幻境自然身似野雲閑

示玉溪庵王道人

人生何處不逍遙論甚山村與市朝但得寸心諸畏盡虎狼群裏也驚

示費莊夏會首

我家門戶本幽玄寂寂寥寥任自然脩短纖洪都莫話飢來喫飯倦時眠

太清宮退堂

我本桃花峰上客忽遺塵跡在人間祖庭雖好因緣早且放白雲歸故山

又

風馭飄飄來租庭瑞烟芳草桂花馨因緣未合須迴首却入伊川卧錦幘

還長生觀

誠破從來古面皮千非萬謗任從伊輕烟薄霧空遮障依舊遙山不皺眉

自詠

截斷當頭竅不鳴玄珠收入寶花瓶從今更不矜愚智閑了將軍便太平

遊老君山

飄飄風袖出山門迴首青山似老君試聽清泉山伴語分明說盡五千文

示雉岔山胡道人

亂山深處結茅齋萬頃雲烟撥不開採藥仙童風袖裏異香隨得紫芝來

示張會首

為仙為佛要功夫塵念塵心于細除待得靈明光宇宙始知糟粕世間書

蒲察提控夫人告

我愛林泉景異常天風吹散桂花香行人欲去還迴首笑殺浮生有底忙

蒲察夫人壽

道人亦欲祝渠壽世事冥然總不知一粒仙丹煩領略松齡鶴算未為奇

贈孫太師夫人

功名未了身先老白髮蒼顏下手遲頓悟此  
身非我有真空不動片雲飛

田會首告

炳煥靈明是此心片言遮障作重陰清虛自

有真消息莫向諸方法上尋

馬姑告

造化無窮盡自然不須身外更求仙天光發  
處凡情滅寶鑑明時道眼圓

離峰老人集卷下

北帝七元紫庭延生秘訣

次一

吳赤鳥二年葛仙翁受之於

太上老君至魏時葉先生傳之於世太上虛

無北帝真要上通紫庭

魁身魁林魁 福德 男女 魁命 魁官 魁壽 考

魁妻妾奴婢

已上七位用燈七椀於道靖內明點占其

明暗即知本位災危凡醮用晦朔之日七

元經云此日

北帝七元真人下降人間檢校罪福凡人

修醮求解災厄即得吉無不利宜以本命

日及祿命合日相生之日犬鼠不至處刻

削草穢淨地之上用丑亥未時祭之禮是

謂掃地而祭亦可使白茅藉之若人能知

星名及所食之物所行之處常得吉勝也

右件醮時皆須沐浴齋潔以燈列位每星下

用卓子一隻上安供養物各以茅香水洗過

并灑庭室於祀位之北立二錢財標候標上

錢動真乃至矣必除殃降福也仍不可駐目

視真座凡人但知本屬星名即得無災何況

久能醮之祀訖即看風從何方來此是求名

之方仍各減少許星糧以一囊可方一寸貯

之頭戴而行有急難三呼名求之即得本命

星君救助及求餘事亦呼本命星君

清酒異香名茶淨果油餅錢財多少計自於

人用單狀一紙列其真位并述所求意

一陽明星應五 二陰精星應第四星第 三真

人星位別亦 四玄冥星五丹元星六北極星

七天關星輔星弼星

已上並頭戴寶冠身披霞帔手執玉簡真

人形狀醮時存見啓祝

第八帝星高上玉皇景光君得見增三百歲

第九尊星太微玉帝神君又名太帝七辰元

君得見增六百歲

已上帝王裝束並與北斗相近一云帝在

第四星內尊在第二星內皆是

帝王天尊之精神醮時存見常以每月初

三二十七日夜竊候之勿令雜人見誠心

久之無不見者二星大如七星光皆紫華

有異常宿煥然可畏見皆叩頭請乞即再